

**www.e-rara.ch**

**De Fanini Faventini, ac Dominici Bassanensis morte, Qui nuper ob  
Christum in Italia Rom. Pon. iussu impie occisi sunt, Brevis Historia**

**Negri, Francesco**

**[Poschiavo?], 1550**

**Universitätsbibliothek Basel**

Shelf Mark: AP IV 46:3

Persistent Link: <http://dx.doi.org/10.3931/e-rara-5422>

---

**www.e-rara.ch**

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

---

**Nutzungsbedingungen** Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [Link]

**Terms of Use** This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

**Conditions d'utilisation** Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

**Condizioni di utilizzo** Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

# DE FANINI

FAVENTINI, AC DOMI

nici Bassanensis morte, Qui nuper  
ob Christum in Italia Rom.

Pon. iussu impiè occisi sunt,

Breuis Historia.

FRANCISCO NIGRO BAS-  
SANENSI AVTHORE.

Hinc agnoscere poteris pie Lector, quid  
à Romanèsiū Episcoporum Concilio  
sit expectandum, quum, qui illud Indicit  
Papa, talia publicè christianèq; causè præ  
iudicia in medium proferre audeat.

Hi cum Agno pugnabūt, & Agnus vin-  
cet illos. Apoc: .17.

• M • D • L •

DE FANNINI

FAVENTINI, AC DOMI

nia Balaenensis morte, Qui nuper

ob Christum in laeta Roma

Ponitur in sepulchro

Brevis Historia.

FRANCISCO NIGRO BAS

ILANESI AVTHORE.

Hinc agnoscere poteris pie lector quid

hominem fuisse quem Concilio

se expectandum, dum quilibet indicat


Papa, talis publice Christianorum causa per


indicia in medium proferre audeat.

Hic cum Agno pugnat & Agnus vir

castus. Apoc. 17.

M. D. L.







.3.

DE FANINI FAVENTINI,  
ac Dominici Bassanensis morte, Qui nu-  
per ob Christum in Italia Rom. Pon.  
iussu impiè occisi sunt.



Vlius. III. Romanus  
Pontifex optime lec-  
tor, orbi nunc plenis  
buccis liberum conci-  
liū pollicetur, verum  
q̄ id ex animo faciat,  
vel hinc facere coniec-  
turam potes; quod eos, qui suam salutem  
vni Deo per Iesum Christum acceptam  
ferunt, hostiliter adeò crudeliterq̄ p̄ suos  
prosequitur, vt aliquos etiam, qui ab infe-  
licis memoriæ Paulo .III. qui proxime  
ipsum præcessit, eandem ob causam dam-  
nati olim, carceribus includebātur, adep-  
to statim pontificatu, miserabiliter occidi  
iusserit: Neq̄ illis pepererit humanissi-  
mus, vt videri vult, Pastor, quibus antea  
pepererat etiam sæuissimus lupus. Hu-  
ius igitur impietatis exempla hîc duo cō-  
scribere libuit, vt quum hæc ipsa congre-

A ij gandi

gandi Concilij publicæ causæ præiudicia  
 cognoueris, quale ipsius Concilij iudiciū  
 futurum sit facile coniectare, vel potius  
 pro comperto habere valeas. Quum  
 itaq; ( vt hinc narrationis initiū sumam )  
 Faninus quidam ex Aemiliæ oppido Fa  
 uentia oriundus annis ab hinc tribus Fer  
 rariæ ob id modo, quod Christum serua  
 torem vnicum profiteretur, ab Antichri  
 sti ministris Inquisitoribus, quos vocant,  
 in carcerem ductus, ibidem seruaretur,  
 post alterum suæ captiuitatis annum ab  
 eisdem Inquisitoribus capitū damnatus  
 est: Attamē quia nondum venerat hora  
 eius, in proximē præteritū hunc vsq; mē  
 sem viuum eum conseruauere, quo de  
 mum tēpore Iulio. III. imperante, ac suis  
 Bullis id efflagitante, occisus est. Cete  
 rum pridie eius diei, quo illi obeundum  
 erat, Nuncius quidam ipsum his ferē ver  
 bis allocutus est: Vidit, inquiens, accura  
 te Papa tuæ causæ Acta, quūq; plurimas  
 in his hereses inesse depræhēderit, ob eas  
 ipsas tibi per me nunc moriendum esse,  
 nuntiarī voluit. Atq; is, qui hæc refere  
 bat,

bat, illū adhortabatur, vt quæ cōtra Ro-  
 manā dixisset Ecclesiam, reuocaret, quo  
 simul corpus atq̃ animam suam seruare  
 posset. Ad hæc Faninus respondit, su-  
 um sibi corpus non admodum curæ esse  
 quippe qui pro Christo id amittere, salu-  
 tis haud quaquā dubius animæ paratus  
 esset. Cœpitq̃ deinde tanta sp̃ritus ve-  
 hementia Dei verbum huic annuntiare,  
 vt is cōfusus ac lacrymans demum inde  
 abierit Faninum sanctum esse hominem  
 affirmans. E' carcere igitur quum ille  
 discessisset, flexis Faninus genibus sup-  
 plex per horam integram ardentissimas  
 preces ad Deum fudit, moxq̃ à precibus  
 ijs quosdam, quibus cum antea plureis  
 mēses in carcere egerat, conuenit: si verò  
 quum ea, quæ paulò ante Fanino nuntia-  
 ta fuerant, optimè scirent, atq̃ inde non  
 mediocrem dolorem concepissent, vehe-  
 mēter illum etiā atq̃ etiā cum lacry-  
 mis rogabant, vt in vxoris liberorumq̃  
 gratiam vitæ suæ tanto in discrimine con-  
 sulens, ea quæ dixerat reuocaret, Nā ita  
 futurū, vt & viuere & familiæ suæ curam

augustinus

A iij habere



habere posset, quam si vitam cum morte  
 cōmutasset, fortunæ casibus expositam,  
 penitusq; desertā ab omnibus relinquis-  
 set. Hic bonus ille vir tacitus ad hæc  
 verba, cogitabundusq; aliquantulum p-  
 mansit: Sed postea ad eos, qui hæc à seip-  
 so hunc in modum cōtendebant, conuer-  
 sus dixit: Ne queso dubitetis fratres, Dei  
 bonitatē ac misericordiam multo, q̄ ab  
 hominibus extimari possit, maiore esse,  
 hæc ipsa rebus meis aderit presens: Quā-  
 quam mea quidem caro vestrorū ad ver-  
 borum stimulos egregiē suum officium  
 fecerit, ac nisi Deus, qui suos Electos nū-  
 quam deserit, auxilio mihi adfuisset, faci-  
 le fieri poterat vt affectibus illa suis indul-  
 gens, nō abnuisset viuere, nō enim mihi  
 veniebat in mentem, hoc pacto corporis  
 gratia, quod breui putrida vermium esca  
 futurum est, animam occidi. Verum  
 Dominus ob cordis oculos verbū mihi  
 suum proponens effecit, vt agnoscerem,  
 quod quisquis Patrē, aut Matrē, aut vxo-  
 rē, aut Liberos, aut aliquid aliud pluris q̄  
 ipsū fecerit, ipso dignus nō erit. Sic igitur  
 benigna

benigna ipsius manu leuatus, libēter iam  
cupio dissolui, & esse cum Christo.

Rogo autem vos in Christo Fratres,  
ne amplius hac de re mihi verba faciatis:  
Imo si vlla in vobis charitas est, si vere  
christum agnoscitis, mihi gratulamini, ac  
Dominum precamini, vt eam mihi perse  
uerandi vim donet, qua possim ad marty  
rium fortiter alacriterq̃ accedere. Hu  
ius itaq̃ concaptiui hæc audientes neq̃  
lachrymas cōtinere, neq̃ illi respondere  
poterāt, adeoq̃ dulcibus ardebāt flāmīs,  
vt vnā cū illo mori omnino peroptarent.

Nam velim scias optimè lector Faninū  
hunc, quamdiu in carcere fuit, nihil aliud  
effecisse, q̃ Cristī beneficentiam ihs ostē  
dere, qui cuiusuis delicti causa eodem in  
loco detinebantur, vt quotquot inde ali  
quando exirent, verbo Domini rectē in  
structi, Christum ex animo profiterētur:  
Vide obsecro quibus vtatur instrumētis  
ad conuertendos homines ad Christum  
Deus. Iam, vt ad propositum redeam,  
Monachus quidam in carcerem profec  
tus Faninum interrogauit, an criminum

Discipuli

A iij suorum



suorum exomologesim facere, suisq; he-  
 resibus abiuratis ad Deum reuerti veller.  
 Cui Faninus respondit, se sua Deo cōfes-  
 sum esse peccata, nec se vlllo modo hæreti-  
 cum esse sed Christianum: Nihilo secius  
 tamen, quo superbiae vitium euitaret se li-  
 benter cum eo collocuturum, ac peccato-  
 rem se quemadmodū erat, facile confes-  
 surum esse: Atq; ita multis de rebus Chri-  
 stianam fidem concernētibus agere inter  
 se cœperunt, Monachoq; tandem per Fa-  
 ninum adeo factum est satis, vt inde abi-  
 ens n̄s qui erāt in carcere, dixerit, uideri si-  
 bi Faninum omnino sanctum esse homi-  
 nē, Atq; vtinam, inquit, plureis huiusmo-  
 di reperirētur Fanini, Christianorū enim  
 cœtus beati sic forent. Faninus porro  
 per totā noctem nihil aliud q̄ preces ad  
 Deū fundere, libereq; cōcionari perexit.  
 Qui verò aderant, vt eum consolarētur,  
 nunq; hominem interpellantes Dei ver-  
 bum ex ipsius ore intētissime excipiebāt,  
 nec profectò ex n̄s aliquis inuētus est, q̄  
 nō profusissimas emisisset lacrymas, ac sū-  
 mo dolore de ipsius interitu sit affectus.

Deniq;

Deniq; quū hora iam, qua ad supplicii  
 um deducendus erat, aduenisset, è carce-  
 ribus exeunti ligneus crucifixus, quem  
 vocāt, vt in huiusmodi re fieri solet, obla-  
 tus est: Atq; is, qui crucifixū hunc gesta-  
 bat, Fanino eum deosculandum proposu-  
 it: Verū illi Faninus dixit, nihil sibi opus  
 esse ligneo huiuscemodi frusto, quod ho-  
 minū manibus eam in formā redactum  
 erat. quandoquidem verum illum Cruci-  
 fixū, q̄ pro peccatis suis satisfecerat, seq̄  
 ab inferis liberarat, in pectore gestaret:  
 obnixeq; ipsum orauit, vt Idolū illud ab  
 oculis suis amoueret. Sedenim quum  
 aduentante iam aurora forum versus, vbi  
 supplicium de eo sumendum erat, duce-  
 retur, è Flaminia Prouincia quampluri-  
 mi, qui tunc Ferrariæ fictilia ex ipsorum  
 aduecta patria, vendebant, hunc ipsum  
 comitantes vehementer dolebant, quod  
 is animo tam obdurato neq; vxoris, neq;  
 Liberorū vllam memoriā haberet, quos  
 & pauperes & humani auxiliij vndeūq;  
 indignos relinquebāt: Quibus ille respō-  
 dit, vxori ac liberis suis optimē prouisum

A v esse,



esse, propterea quod eos omnes cuiquam  
cōmisisset, qui passurus non esset aliquid  
illis vnquam deficere: Quumq̄ interro-  
garent ἦ, cuiam commissi forent, Deo  
inquit, ipsorū Patri, ac Iesu Ch̄o Fratri.

Liberè omnia atq̄ animosè sine timo-  
ris alicuius indicio loquebatur, ac subin-  
de repetebat. Rogo te Pater, quæ tua bo-  
nitas est, ἦs qui meæ mortis causa sunt,  
ignoscas: Compertum sanè mihi est, non  
nullos existimare se rectè facere, quū eos  
occidunt, qui tuum nomen profitentur,  
nōnullos verò christiani sanguinis adeo  
esse avidos, vt etiam si norint, iniquè me  
morti esse destinatū, nihilominus id non  
tantū æquo animo fieri, sed etiam lubētī  
patiantur: Tu tamen optime Pater omni-  
bus parcas oro. Atq̄ alia quidem plu-  
ra liberius loqui desiderabat, sed à Licto-  
ribus id minimè concedebatur: Nam cō-  
missum illis fuerat, vt ne Fanino verba fa-  
cere permitterent. Quum autem ad  
supplicij locum deniq̄ ventum esset, Car-  
nifex ipse Faninum iniuste damnatū esse  
conspiciens, inde aufugere voluit: Verū  
Faninus

Faninus ei reuocato audacter dixit. Tu  
 verò quod tui est officij fac obsecro, nam  
 neq; tibi id crimini ascribetur, et ego idip  
 sum ex animo tibi condono: Atq; ita de  
 mum infelix primo suspēsus, postea com  
 bustus est non absq; ingentibus eorū om  
 nium, qui aderant lachrymis. Cæterū  
 ex vnus modo Christiani morte atq; in  
 teritu, quamplurimos, qui pie Christum  
 confiteantur, exortos esse constat, & qui  
 Dei misericordiam summopere cōmen  
 dantes, maximas eidem habent gratias,  
 quod ē tenebris in admirabile lumen ipsi  
 us vocati fuerint.

Non ita multo post, eodem nimirum  
 Septēbri mense, quo hæc Ferrariæ gesta  
 sunt, Placentiæ quoq; aliud haud dissimi  
 le huic exemplum accidit: Id verò huius  
 modi extitisse perhibetur. Dominicus  
 à Domo alba Bassanensis ciuis fuit, (est  
 autem Venetiæ Oppidum, Bassanū mea  
 patria) Is Germanico bello Carolum .v.  
 Cæsarem secutus, Euangeliū apud Ger  
 manos demum didicit, Mundiq; statim  
 seposita militiā, vni Deo per Iesum Chri  
 stum



stum militari coepit, atq; identidem multos  
 queritas, qui se magis ac magis ad huius-  
 modi doctrinam instituerent, breui pluri-  
 mum in vera atq; exacta Euangelij cogniti-  
 one profecit, in praesentem vsq; Annum  
 Sanctissimo foenore optimu censum semp  
 augens: Quo quidem anno demum Nea-  
 polim profectus, Inde q; concionadi mu-  
 nus auspiciatus, quamplurimis Italiae Vr-  
 bibus intrepide Chm vel in ipsis plateis  
 anunciauit, atq; Antichristi technas mul-  
 toru multo cum fructu gaudioq; retextit.

Placentiam deniq; Septembri mense  
 quu etiam peruenisset, in forum illico in-  
 gressus, publice concionari coepit, atq; in  
 ibi de auriculari Confessione, de Purga-  
 torio, de Indulgentijs, vt vocant, alijsq;  
 huiusmodi de rebus ad religionem attinen-  
 tibus frequenti Populo, maximeq; inten-  
 to q; fieri potuit, liberrime locutus est.

Postero die reuersus, de Iustificacione,  
 deq; Fide, atq; Operibus egit. Missam  
 quoq; quam vocant, obiter attigit, sed se  
 diffusius ea de re tertia concione locutu-  
 rum, ac simul Antichristu manifestissime  
 osten-

ostensurum pollicitus est. Igitur die ter-  
tio, quum in idem Dominicus redisset,  
malus Dæmon, qui ferre non poterat, ut  
præcipua ipsius Idololatria primariusq;  
Minister suis picticoloribus in medium  
pferetur, suos ibi satellites excitauit, qui  
totū hoc negocium interturbarunt: Nā  
accedens Licitorum Præfectus Domini-  
cum è suggestu descēdere, duciq; in car-  
cerē iussit. Ille autē iubēti respondit, se pa-  
ratum efficere quicquid vellet, neq; inui-  
tum in eum se locum ingressurū: Et mira-  
bar sanē inquit, in hanc vsq; horam Chri-  
stianæ concionis impedimēta Sathanan  
protulisse. Ad absentis igitur Episcopi  
Vicariū ductus, latinis verbis interroga-  
tus est, an Sacerdotis officio fungeretur,  
& à quonam concionandī veniā nactus  
esset. Dominicus verò latini sermonis  
ignarum se esse Italica lingua respondit,  
nec se papisticum esse Sacerdotem, sed Ie-  
su Christi, à quo etiam, velut à Pontifice  
sūmo ad cōcionandū inauguratus esset.

Insuper ab eodem quæsitum est, num  
quæ aduersum Romanam concionatus  
esset



esset Ecclesiam reuocare, an firma rataque  
 habere vellet, hisque additum, illi moriendum  
 esse nisi recantaret. Verum is audacter ac  
 sine vlla trepidatione respondens, comp  
 tissimum sibi esse dixit, quicquid publica  
 concione asseruisset adeo esse verum, vt  
 mortem ob id, quo veritati testimonium  
 ferret, se neuiquam deprecaturum affir  
 maret, quin Deo potius gratiam habitu  
 rum, si pro ipsius gloria sibi moriendum  
 foret. Ab his autem in carcerem ductus,  
 multis per quosdam Monachos adhorta  
 tionibus agitatus est, vt quibus in locis  
 publice fuerat concionatus, in ijs minime  
 se verum dixisse fateri vellet. At is id  
 se facturum constantissime reuit, malleque  
 se interire, quam Christo vale dicere asseuera  
 ter obtestatus est.

Igitur postero die, quum in Foru, vbi  
 suspendendus erat, deductus esset, ibi con  
 temptis Papistarum superstitionibus, quae  
 plurimae tunc illi, vt ferè fit, offerebantur,  
 intensius Deum rogauit, vt suis interfec  
 toribus, propterea quod ignorarent quid  
 facerent, parcere dignaretur. Ac sic admi  
 rabilem

rabilem præferēs letitiam, summumq̄  
 fruendi Christi desiderium miselli corpo  
 ris infelicem vitam clausit, Annos natus  
 plus minus triginta.

Quo quidem exēplo, vt maxima mor  
 tales quamplurimi consolatione affecti  
 sunt, ita profectò summa dignum admi  
 ratione videri possit, Monachos quosdā  
 Dominicanos, qui præcipuè Christum  
 impræsentiā persecuūtur adeò stupidos  
 insensilesq̄ esse, ut ad hæc miranda Dei  
 opera nequaquam excitentur: Et quum  
 ne minimum quidem incommodi, quo  
 suas ipsorum sectas veras comprobent,  
 sufferi parati sint, Alios tamē, qui, quam  
 ipsi profitentur, doctrinam, & veram &  
 Christi esse, vel ipsa morte confirmant,  
 acerrimè persequantur: Faxit in glori  
 am suam Deus, vt aliquando resipiscant.

Clauennæ, Pridie Kalen: Nouēb: 1550.

. F I N I S .

1136  
... Christi delictorum nihil corpore  
... vitam dante. Annos nam  
... minus viginti.

Quo quidem ex iplo, ut maxima mor-  
tales quamplurimi consolatione affecti  
sunt in profecto summa digna admir-  
ratione videri possit. Monachos quosdam  
Dominicanos, qui precipue Christum  
imperfectis persequuntur ad eos ludibros  
insultibus esse, ut ad haec mandata Dei  
opera nequaquam excusentur: Et quum  
reminunt quidem incommode, quo  
sua ipsorum lectas veras comprehendit  
suscipiant sine Allostam, qui quum  
ipsi proferant doctrinam, & veram &  
Christi esse, ad ipsa more constanti  
eccliam persequuntur: In exitu glori-  
am suam Deus, ut aliquid ostendat.

Clavennae, Patis Kalen: Nouemb: 1720.  
F I N I S.